

Chiburupenaada #64

Chi Habana, jedako jua ome -ome, ewari jua ombea
(15 de Diciembre de 2015)

Chiburupenaada kaya bia penaadara chi chio awakopanuude“saa joma beidebena waya ijábidayua, kera bí'ia, chi soo aripenaada waya kera bí'ia buikaide bena, maude waya jaa bidaimaaba“eda mausida achi bedea jara badaukera jurisdicción especial chi ruadebenara kera kuris bía, soo bía uñaba nureadamera abachekeraka; maude saa jomaura ía abade jua dedekadapeda bididamera chi derecho humano.

Chi Char Rua debena maude chi FARC-EP raba chi chiburu awakopanuude, bedea urukaridabida, chi kaya bía penaadara waya kera dauchia buikadayua achi jaka chuburia penaadade.Achi chi chiburu awakopanú debena chi jua abade sukubú “kayabíapenaadara” maude eda maucha sukubú chi jua abadebena: aba Bidikabadau dauchia karebadamera chi kaya bia penaadara maude chi omede. Ijaa bibadau, chi maude eda bukua penaada dedekadai bereka awapanubida chi chuburia bipenaadara kera dauchia buikadayua, achi bedea de jara badaukera achi solucion politicade idi, cha urukaridaude maude cha jurumeta kera erbari karidau, chi kurisde jipa chiburu urukaridau, aribia tuatasidabida chi uru karírade chi kera só bía maude kuris bía bidayua chi ruaradebena, aba chekeraka, jua kaatu nureadamera maude chi chio awakopanabadau kuris newae bidayua chi ruade cha akawaburu ya'atade duaneesidau chi kuris kachiruara, chi rua cheke dauchuburi deburu, oade buru duaneesidau.

Chi Char Ruadebena maude chi Modedebena FARC-EP ba, chi joma odoi karidaude eda kubuayu chi eda juasikubuudebena chiburu awakopanú kaya biapenaada debenade, waya buru erdausida bida chi kurisia a wakopanú “delaracion de principios madau” chi jedako jua aba, aba, ewari jua aba ome de (7 de Junio 2014), chi mau uruburu waubudabida chi maucha eda chiburu awakopanú: 1. Jomade eda kubudaidebena chi ijá bidayua chi ruadebenamá, kera kurisbía jomaura baeta, maude waya jábidaibaidebena maude, 2. Ara dauchia panédai debena chi chiburu awakopanú, kera bí'ia maude deabidayua chi chanaudebena achi bedea dera derecho humano madaudebena .

Cha naude eda kubusidabida chi chiburu awakopanu debena cha naarakera chi comisión madau chi eda seta kobeebura kera dodá kubudamera, kera jipa nureadamera chi ruade maude waya jábidaibai debena;chi eberara newae bia penaada jurubadauraba chi chanau chio awakopanuude; chi char kera odoi awakopanu debena chi kera kurisbía dayua achi bedea dera Paz debena maude chi medida madau waya chi kaya bia penaadara kera dauchía buikadayu, mausida chi cha chiburu sidau kaadebena, mau jukasida añádebena jaatu nubú chi waara medidaramadau maude mecanismo madau, chi maara deebea chi eda jua sukubú naeedeada chiburu urukaridaudebena, maudebena maucha eda kubudaimadau , chi jua sukubú ombeade jara kubúka– “Newae bidayu chi chio awakopanú” chi chiburu ara ambua awakopanúde eda kubú.

Chi juasukubú jua aba “kaya bía penaadara”, muade kera tua kopanésidabida chi chi chiburu badaura, naeedeada saa joma ewamaupenaada chi chio awakopané penaada debena, kuskaréde, mau debena raba kera bía chi burudaibida, achi bedea de jara badaukera chi chiburu badaura, comisión chi kera ijaa dakaura, ijaa bidayua, kera dodá buidakuadaidebena, kera dauchia nureadamera chi ruade maude

Maucha eda jipa nubuudebena chi chiburu awakopanuu debena, jua aba juasukubú" kaya bíapenaadara" naara madau: Eda buta penaada chi medida madau maude chi protocolo madau achi bedeade jara badaukera, chi jareday, keradauchia nubademara chi iujara, chi eda ne kaebearaba juru tobia badau úkua penaadara enakuadamera (MAP), chi tobiabadaura kera añá waukapenaadara (AEI) maude chi mara debena nekachiruara tobiabadaua aramá tomeaduanúra(MUSE), mau maesida chio awakopanuu de chi ne kachiruara duanedara (REG); achía isaburu jurudaimadau naaraba medidas humanitarias de búsqeda madauba, sama duanú debena, unukuadai debena, maude dedekai debena kera dauchía chi abachikera newae bía penaadara chi naka chio awakopanasidaude.

Chi chio awakopanúba, já ne joma buikabaríba, dau chuburia buru buikabarimae ruaradebena, naberaraideeda. Chi colombianora, werara, mukerara, achi ruadebena dua buikapenaadama, aribiaturu kena kua penaadara, chi abachekera neweabia penaadama, maude chi ruarachekera de duanuura chuburibía penaadama, mau eda eberara rúa, kapuma rúa, neorna rúa, palenquerara, madaura rúa maude raizales, Rom ra madau rúa ra. Kurís debena poyá newae bidamemadau, chi só kaya bía penaadara, achi kurisde nee awakopanubida chi jaaraba chi werara, werakauchikera baara jidaukuapenaadara achia kuria dameedéda, achi kurisra sida kayabía penaadabasbida, mauba achi deeba, arabika achi abachikerabaara chiobikabía penaadabasbida.

Maudéba, chi naka bía penaada baera chi dachi ruade, chi achi chiya unukakua sidaude 2012 de, kurisdebena adausidabida, chi kaya bíapenaadara debena, neburu budaubura, chi maudebena turu naa erdaudaimadau; maude chi eda bu awakopanuu de, chiburu badauradebena chi chio awakopanú newaebiday awakopanuu de, eda kububada awakopanubida chi kaya biapenaadara debena, chiburupenaadara jua aba ombea, ewari ebera aba jua aba abade 2012 (26 de agosto de 2012).

Chi burupenaada eda juasu kubúdebena waya erdau dainaede, kuris debena adausidabida "chi sauturu naa bedea daidebena"mauba chi kaya bía penaadara kera dauchía buikadayua achia makaapenaadabasbida jua ambua penaadapeda, achi bedea de jara badaukera achi maa brújula kera beebubida chi jipa odoidayua cha nau chiburu de, chi kaya bia penaadara kera jua damera achi baara, kera soobía paneedamera chi bedea budaude ijá biabadau bedea baara, achi waya kakua dauchía buidamera maude maucha já bia daikará chi nauturu ke'sa beemera chi chiburu erdau budau dauchia.

Kera wa buru ochiabudaukera, amía sidabida chi ruaradebena akuru chiburudamera. 3.000 ruaradebena kaya biapenaadara akuru chiburusidabida chi naude, chi maara chiburudamera chi achi bedeade jarabedea badaukera, Naciones Unidas madau Universidad Nacional madauba kera jipa newau sidabida chiburudamera maudebena, ebera ombea kaya bía penaadara, maupenaadabasbida Habanadá, achi debena neburuka kuade, maude kawa jaradea dayua achi saa kurispanuu, unu awakopaú chi cha ewariracha chiburu awakopanuu debena, mau jua akuru dea awakopanubida chi Episcopal debenaba, chi Nación Unida maude Universidad Nacional ba. Mau eda naubida ameededa chi 17 mil chiburu dea penaada, waara bedebadauradeeba deapenaada, chi maaraba deakua penaada basbida chi kaya bía penaadaraba maude kaya biadaibadara bida. Jua obea ombea (18) chiburu badaura werara debena maude chi aurre kawa nuré chi jari kaya biapenaadara mukeraraba werara chuburi jidaukuapenaadara debena, chi maarasida kawa urisidabida. Achía makaa panuma, chi nau joma bedea adausidauba achi kera dauchía buru ukupaneapanubida kuris choromá erdaudayua.

Joma bi'ia jaradai debena ijá bidamera, kera só bía baara kurisdai debena jomaura baeta, kaya bía penaadaraba kera dauchía kubudai debena maude waya já biadai baidebena.

Achía chi kaya bia penaadaramá nau kera dauchía dedekadai apenaadabaera, chi chiburu awakopanuude maude achi bedea uripenaadabaera, chi Char Ruadebenaba maude chi FARC-EP ba kuris debena erdau sidabida, achi awaupenaada Joma bi'ia jaradai debena ijá bidamera, kera só bía baara kurisdai debena jomaura baeta, kaya bía penaadaraba kera dauchía kubudai debena maude waya já biadai baidebena, maudeeba chi cha nau kurisde benaturu adau budabida.

Chi Sistema integral madauba chi kaya bía penaadaramá dede kabudabida achi naedeeda nuredakera chi ruade; chi achi má ne burubudaubura ijá bía daidebena, sewá jaradamea; jomaura juade kobeibida chic ha chiburu awakopanú maude chi achi kaya bía penaadaramá bida jara awakopanuma já bia penaadabaera, keradar añá purtu biadamea jari achi derecho Internacional Humanitario madau ;kachirúa bipenaada waya kera jipa nubudamera chi nau joma jaa choroa bedea panubaera waya jaabidaibai awakopanu baera, kera bi'ia kubudai awakopanubaera, achi bede abade idadaara biday bai, kaade buidai bai madau chi radebena kera kaya bía penaadara, mau kurisdebena poyá buidamebaera, mau edabari buikaraaba apanesmadau chi ruadebenaraba, mau bedea uridapeda buru chi chiburuawakopanú erdau awakopanuma, mausida chi jurisdicción especial madau óde buru odoidaimadau.

Chi Chio awakopanú newaebibudaubura, chi mauba chi jari kuris, soo, maude kera kachiruanuree newaebidaimadau jomaura baeta, nauba chi kaya bía penaadara achi kuris waya buru kera bi'ia paneedaimadau achi derecho dachi ruade jipodokamera. Chi jara awakopanuba chi kaya bía penaadara, kera perasmea, iduka bedea damera jua dedekadaimadau, achi kawa damera namaduanú; maude chi jaria naudebena maude chi bedea dakaura maa bida beedamera jua dedekadamera chi achi derecho humanora DIH kaya bia penaada unudamera, ochiadamera, chi mauba iaba jara awakopanuka, waya jabiadaimába, kera soo b'ia dauchia buikadamera chi ruade nuréra baeta.

Cha nau joma naka dea awakubúba rua aibenarabaare, kera dauchía dea awakububida mauba akuru eda baritaibida chi maucha eda kubudaibú. Maudéba chi joma jara awakopanú ba joma kobu kuriabudida, chi nekaebéa ra awara buikakará. Justicia bará achia ne bidikabudaude chi naka chuburía bia penaada kakua, derecho humano madau daa bida unubikuria panubida, DIHra másida chi naara ewarira cha yatadede naka duanésidama, Chi chanauba akuru jua deabubida chi bedea ijá dakaubada waya ijá bidayua achia kera bi'ia jaradara, sewásmas maude kera newau kadayua kurisde duanedamera naberarade.

Ara kawa sidabida chi jara awakopanú amía daibú chi derechu kaya bía penaadare— chi joma chiburupenaada játu kubudai debena, chi maubida chi maara derechu sida akuru jua dedeka daidebena – mauba waya kera dacuchí duanubuikai bubida chi ruara debenamá.

Chi chanau ome jipabeebidaibaeta, deamera maude kera dauchía odoimera setá ó añá buibidaimaaba. Chi sistema integralmadauba colombianaba wua dabasbida chi jipa odoidamera achi bedede

jarabadaukera mecanismojudicial madau , ch mauba eda erkua, dauchi jipa jurudamera, maude chi kera kuris kachiruaraba naka chuburia biapenaada jua buikadayua achi maa awakopanuuba chi Derecho Humano abadau maude chi Derecho Internacional Humanitario madausida nekaya bia penaadabaera, chi Jurisdicción Especial kera dauchia buikabidayua chi jari chio awakopanú newae bidapeda maude kuris bia kubudayua.chi mecanismo extrajudicial baare, joma aride jara damera chi ruara debena má, chi abachekera juru dedekadamera, achi ruade bena newae bia penaadara, mau de achi waya kera uñaba bidamera, achi ruara sida kawa bi'ia buikadamera.

Chi saa jipa odoi awakopanuudebena eda joma kubuabari de, eda jaatu kububida chi kapuris kuris de bena kaña bara, añá kuris nuré ebera, neor baara, maude chi chiburu badaura, aba mukera kakua burumaera, aurre werara kakua ra, chi maara eda jua dedeka chiya bedea badau bida achi kakua, chuburia biapenaadabaera, chi rua choroma, ruara cha, mausida jara síka werara maude warrara kakua buru.

Chi saa jipa odoi awakopanuudebena eda joma kubuabari de, dedeka kuadaimadau chi achi bedede jara badaukera seguridad jurídica madau chi nau adaubudau baeta kera kurisbia buikadayua, eda nekaebea buikabudauka chi ó waarú chi kuris bia nureadamera, chi chio awakopanú newa bibudabaera.

Cha nau dearúbura chi Chi saa jipa odoi awakopanuudebena eda joma kubuabari, nau kakua baimadau amia biadaibura chi jomauraba í makama adara jua taape erdau budau bura, mausida jomauraba.

Bede kaade ía abade, Chi saa jipa odoi awakopanuudebena eda joma kubuabari ba dedekaibubida, waya chi newae bipenaada waya adaudayua chi ruadebenara ba ijá damera, era kuris bia, jomaura chi dachi ruade kera bi'ia nureadamera, mio damea, maude chi nau maucha jaabidaimá, jmaura kakua kerajú jua dedekadamera joma chi colombianora.

Nau kuris aba de wau penaada odoiday debena:

Ababú bedede joma jaraarúde, chi ne maucha bari bipenaadarara, joma jipa kubudayua, mauba kawa dedekadaimadau chi nau kurisde butapenadade maude odoi dai apenáda baera:

- ***Kera kerajua duaneedai chi kaya biapenaadara achi derechura kakua,*** mausida achi bedede jarabadaukera carácter judicial maude extra judicial madaude.
- ***Ukubedapeda ochia dai naedee debenabada,*** chi kaiba nasi asi daudeeda, jomaura kera mimia awakopanú nau chio awakopanúacha, eda duanúmaesida, chio badaura mau chio dakaura, jomaura ara ambua kopaneedapeda jua dedekadai bubida chi cha naude.
- ***Waya já bidai debena,*** Chi chaburu jara awakopanadai debena, maude chi waara eda jatunubú debena, jua sukubú ombeade (3)chi chiburu awakopanú– waya kaya biadaibai awakopanú, chi ruara debena má chio rábada jangua adayua, mauba chuburi kaya bia badaade dachi kakua,warrara, rua, uñaba, makaapeda jangua chioraaruru kurisde madai madau, maudeeba, chi mau newae bidayua isaa daimadau.

- ***Ababú óde chi iuja debena, kapuriara kurís añá maude chiburubadauradebena mukerara debenaturu bedea damea, werara debena sida bedea badaura,*** Chi chanaude kapuria kuris añá buru chi ruarade mausida chi aurre chuburikiruréde, werarakera, warraraka, maude chi aurre kaya biapenaadara chi chio awakopanúde.
- ***Ijá bibadaura chi ruadebenamá achi kuris jipa bidayua, achi kakua bedea badaurade, maude achi ne kaebea dedekabadaude,*** chi chanau deabidai ita chi achia bedea abade jara apenaada ijaabidaimadau chi joma jara awakopanuude mausida chi jurisdicción Especial madaude chi waya kera kuris bía paneedamera, chi achía deadai awakopanuu bedeade.
- ***Jua dedekakua dapeda,*** kera kurís bi'ia uñabaday chi Ruade, chi chanauba chi ruaradebenamá bi'ia unubibudaubura achia bida jua dedekadaibuma chi chiburu awakopanuuba, mausida chi kaya bía penaadara daumá maka búbura, chiya jua dedeka kuabudaubura, jomauraba, ne añá damea, maudeeba chi ruara debenara bida chi chanaka chiburu awakopanú akuru, bedea chárea, kuris bía área akuru jua idaudapeda, soo ewadapeda, maadaika mae adara cha bedea awakopanú kera ababidaibida.
- ***Kera jipa odoidebena,*** Chi kaya bía penadara má, chi ruaradebena má, maude ra aibenaramá chi Colombia debena, achia bidika penaadara, dauchía panau budaude makaasida bida chi eda barikubusidau jipa deabidai asidabida chi chiburu awakopanuude.

Káre eda pekobeeyudebena:

Cha nau dearúbura chi saa jipa odoi awakopanuudebena eda joma kubuabarí, nauba kubuai bida, kawa odoidayua, maude jipa chá kubuadayua.

- ***Chi chiburu awakopanabadaura chi kera dodá kubudaibaeta, chi bedea ijá badaura, chiya buru kera kurís bía uñaba nureadamera chi ruade maude waya kaya bidaibai debena:***
Nau ewari bistíka buru kubuai bida maude achi bedeade jara badaukera carácter extraoficial baibida, chi mauba jurudai bida chi setá jara duanuubura waya kera ijá bidayua chi naka chuburia bipenaadara, chi violaciones madau kera dodábidayua, maedeebena chi ruadebenaramá unubidayua chi chanubú jurupenaadara, mauba chi kaya bía penaadara akuru achi saakirureasidaudebena achi ome jua jidaudamera, achi derechu bidikadamera, waya achi ruade kera bi'ia nureadamera maabae jauba janwá jaabidaidebena awakopanuma.
- ***Chi jurubadauraba chi ruadebena newae bipenaada achi ruadebena chio awakopanú taede:***
Utá kubuabarí debena turu kubuaimadau chi achi bedeade jarabadaukera carácter humanitario maude extrajudicial madaude, achi ó odoi awakubumadau nau kurisde madau, jipa odoi debena, jua dedekai debena chi mimía ne wau awakopanú chi ruadebenara newae biapenaadara jurukuadamera chio awakopanuude unu daibura chi maara chokae kirureebura isa jurubada awakopanuma.

• **Chi jurisdicción Especial madau chi chio awakobú newae bidayua maude waya chi kurís bía, soo bía buikadai baeta:** Jedako jua aba kimare, ewari ebera aba ombeade (23 de septiembre), makaasida bida, achia utá babipenaada basbida chi ara ambua paneesidau chiburukuasidau debena Jurisdicción Especial madau chi chio awakobú newae bidayua maude waya chi kurís bía, soo bía buikadai baeta. Idi unubibudabida chi rua debenaramá chi joma bupenaada.

Chi jurisdicción Especial madau chi chio awakobú newae bidayua maude waya chi kurís bía, soo bí abuikadai baeta, achi du aba erdau daibida maude chi chiburu awakopanú debena turu erdaudaibida.

Chi óde odoidai awakopanú chi jurisdicción debena naara madau, chi ruaradebenamá kakua kerajua duaneedamera achi derecho kayabía penaadara debena, jomauramá joma jaradaidebena bi'ia ijá damera chi Colombia debenamá, chi derecho kaya bía penaadaramá, mauba akuru karebadapeda, jua deadapeda chi chio awakopanú newae bidayua.

Chi jurisdicción madau naka kubuai madau chiburu badau justicia madaude, mau eda aba maucha chiburu badaura Amnistia maude indulto, maude aba tribunal chi kuris jomaura kera bi'ia nureadai ita koboí madau, mau achia kera jipa, bi'ia odoidaimadau, kawa bidikamadai aurre kawa dayua, kera dodá buikadayua chi sakaera jámada debena, chi waaramá unubidayua, jurukadayua chi jaka bía penaadara maabae eda jua buikadayua chi jaka kaya bía penaadara chi derrecho humano maude derecho internacional Humanitario sida kaya bía penaadara.

Chi Justicia akopanuide chi jau joma mimia kobébida, mau sida eda jipa kobeedebena chi jurisdicción Especial chi chio badaura kera kuris bía bidayua waya, soobia nureadamera chi dachi ruade, maude chi jomaura kawa jua deade neebudaura jipa uridamera chanaaraka abogadora, maude chi magistradora madau maude chi unidad de investigacionasida, maude achi makakuapenaadara abadaura sida. Chi maaraba daubari budau chi achi nekachirua waupenaadara kawa kirus mae uridaimadau, kera purtudamea chi mau achi bedea de jarabadaukera mau joma tribunal de justicia kiraare erdau daimadau.

Chi Jurisdicción especial madau de eda aba barikububida, chi joma eda chiburu penaada nau debena, saamai deebena maude samaa beeyudebena chi amnistía maude indultora debena madau, mau deebida “chi kera kachiruanuree chiya debena, newae bidai jara awakopanuma, chi DIH baara, Chi ruadebena Colombianora madaura ba bidikadaibubida chi amnistía madau “aurre amía bidayua. Chi mau baebida chi kera kachirua jua deseroa waupanasbura, chi chio awakopanasidaude jari chi ruade kiruré kenakuapenaadara chuburia área maude chi derecho humano madaude eda kobeesidausida kera kaya bía panusbura.

- **Saa waya buru joma kera bi'ia kubudaidebena chi soo, kuris kachirua kubú kera bi'ia kubudayua:** chi chanauba waya buru kera dauchí buikaidebena jara awakopanubida chi kaya bia penaadara, eda achi derechora madau kera eda buikadamera waya, achi nekae beachikerara newae bia kuapenaada waya dea kuadamera, chi kuris chekera chuburia bia penaada ewaukubudamera, achi jomaura kerajua duaneedamera debena maude waya jaa bidaibai debena; maude achi rua chekera sida chi ruadebena waya buru abachekera ka duaneedamera, mausida chi aurre kera kaya bía penaada.
- **Kera dedekadai debena waya já bidaimaaba:** Chi dede kadai debena waya já bidaimaaba mau, chi chiburu awakopanuuba debipenaada basbida, chi naeededabena eda kubupenaada achi bedea de jara badau kera medida maude mecanismo naeededa urukariaudebena, ena keraka chi chiburu urukaridau de keraka eda jua sukubuudebena, chi kaade beerudebena; maude eda maucha chi jara awakopanuu waya jaabidaimaaba debena chi jua sukubú ombeade jara kubú (punto 3) – “newae bidai chi mio awakobúdebena”.

Chi kera añá kobeera mecanismora, chi saa jara bidai sewasmae debena iaja damera chi waaraba, kera soo bía biayua jomaura baeta, chi kachirua buikapenaadara kera dauchia buikadamera maude waya jaabiadaimaaba, mara debena chi Sistema awakopanuububa juru panubida achia bidipenaada chi kaya bia penaada debena, chi mau debena kera añábida erbari kubudai baibida. Maudeeba jukarakera chiya buru duana daibida maude chi kera kuris bía, soo bía duanudayua jomaura baeta, mausida kawa kuris ewadapeda ochia dapeda chi ijaa dayudebena maude kera kar dauchi, jipa buru chi cha chiburu awakopanuude. Chi chanau maka deabidayua Jurisdiccion Especial paz baeta madauba ochia uakobeibida.

Achi bedea de jara badauka, chi mecanismo Sistema debena madau jua deseroa buai baibida. Chi mecanismo madau kera dauchia buayubida odoi awakopanuude mausida isaapeda maude omeemea beemea waaradera chá, maudeeba achi bedea de jara badaukera protocol de colaboracion necesario madau buabida.

Bedea kaade, kera júa duanubida, arakerasma apanubida chi kaya bía penaadaramá achi ara ambua nau chiburude duanasbaera, achia naka jaradeneesidau achi debenaba akuru karr choroma penaadabida, chi cha nau kawa ochia dayua, mau deeba achi kakua chi chiburu awakopanú kera ó biade odoidayua chi newae bidayua chi kuris kachirua maude chio awakopanú chi ruade kera dauchía duaneedamera.

Kuris bía awakopanubida, cha eda chiburukuapenaadaba maude chi naede urukaridaubida, chi dignificación madau chi kaya bía penaadara, kera dauchía buikadamera maude ara chi chanauba newae bidamera chi chio awakopanú chi cha nau ruade maude chi ruadebena kuris kachiruaraba kaya bía daimá.